

UTHM, IPGKTHO dan SIC 'khatankan' anak-anak yatim

PARIT RAJA – Gabungan tiga badan iaitu Universiti Tun Hessein Onn Malaysia (UTHM), Institut Pendidikan Guru Kampus Tun Hussein Onn (IPGKTHO), Batu Pahat dan Saga Iswara Club (SIC), Batu Pahat meneruskan aktiviti tahunan mereka dengan 'mengkhatakan' anak-anak yatim baru-baru ini.

Penyelaras Majlis Berkhatan Pelajar Sekitar Parit Raja, Muhd Faizal Muhd Raml berkata, kerja amal tahunan tersebut dilaksanakan bagi meringankan beban golongan terabit dan mahu melihat mereka mempunyai hubungan erat dengan ketiga-tiga badan berkenaan.

Muhd Faizal berkata, anak-anak yatim di sekitar kawasan Parit Raja ini dianggap sebagai 'tetamu' dan mereka wajar menerima layanan yang baik.



Anak-anak yatim dimandikan beramai-ramai sebelum acara berkhatan dilakukan.

Menurutnya, seramai 16 murid berumur sekitar 11 tahun dikhatankan dan mereka ini bersekolah di Sekolah Kebangsaan (SK) Sri Gading, SK Pintas Puding dan SK Pintas

Jaya. "Diharapkan kepada mereka yang menyertai program ini dapat mempelajari sesuatu iaitu kemeriahan berkhatan beramai-ramai sebagaimana yang

dilakukan oleh mereka terdahulu.

"Sebelum berkhatan mereka akan dirai sebagaimana pengantin iaitu dikompangkan dan juga diarak menuju kawa-

san di mana tempat mereka bakal dikhatankan.

"Sudah tentu ia sesuatu pengalaman yang menyeronokkan bagi mereka ini berbanding dengan mereka

yang berkhatan di klinik atau hospital kerana tidak melalui pengalaman berkenaan," katanya kepada *Sinar Harian*.

Hadir sama pada majlis berkenaan ialah Wakil Naib Canselor bagi menjalankan tugas Hal Ehwal Pelajar UTHM; Profesor Ir Dr Amer Hashim Mohd Kassim, Pengarah IPGKTHO; Zaleha Onn dan Guru Besar SK Pintas Puding, Hamzah Abd Jamak.

Faizal berkata, golongan seperti ini sememangnya memerlukan perhatian dan sebagai warga universiti serta orang ramai mereka perlu memberi galakan kepada anak-anak yatim ini.

"Di kesempatan ini pihak kami bersama penganjur yang lain berharap kerjasama seperti ini akan dapat diteruskan lagi demi membela dan membantu anak-anak yatim," katanya.